

無著造論

攝大乘論世親釋集註

上海古籍出版社

無著造論
世親釋論
玄奘譯論
智敏集註

攝大乘論世親釋集註

上海古籍出版社

圖書在版編目(CIP)數據

攝大乘論世親釋集註 / 智敏集註. — 上海: 上海古籍出版社,
2004. 7

ISBN 7—5325—3809—5

I. 攝... II. 智... III. ① 大乘—論藏 ② 攝大乘論—世
親釋—註釋 IV. B944.1

中國版本圖書館 CIP 數據核字(2004)第 053836 號

本書版權歸浙江三門多寶講寺

責任編輯 李明權

攝大乘論世親釋集註

智敏集註

世紀出版集團 出版、發行
上海古籍出版社

(上海瑞金二路 272 號 郵政編碼 200020)

(1) 網址: www.guji.com.cn

(2) E-mail: guji@guji.com.cn

(3) 易文網址: www.ewen.cc

經銷處 上海發行所發行經銷 上海古籍印刷廠印刷

開本 890×1240 1/32 印張 21.125 插頁 10 字數 300,000

2004 年 7 月第 1 版 2004 年 7 月第 1 次印刷

印數: 1—6,000

ISBN 7—5325—3809—5

B·456 定價: 38.00 元

如有質量問題, 請與承印廠聯繫 64063949

PDF
PDG

無著論師



世親論師



出版說明

公元四、五世紀頃，無著、世親兄弟創立瑜伽行派，與稍前由龍樹、提婆創立之中觀學派，共為古印度大乘佛教的兩大派別，宛如雙峰並峙。瑜伽行派認為阿賴耶識現行變現，為世間萬有緣起之本源，主張「萬法唯識」，強調「唯識無境」，故又稱為唯識學派、大乘有宗。攝大乘論（簡稱攝論）即為瑜伽行派的重要論著之一。

攝論的著者無著系北天竺人，早年出家於

部派佛教中的說一切有部，思惟空義，未愜其心。後從彌勒習瑜伽師地論，豁然通達，改宗大乘。攝論之漢譯本凡三種：南朝陳真諦譯，三卷；北魏佛陀扇多譯，二卷；唐玄奘譯（名攝大乘論本），三卷。攝論闡釋大乘阿毗達磨經中的攝大乘品，比照聲聞、緣覺二乘，以「十殊勝語」統攝大乘佛法的精義，以阿賴耶識為諸法所依，以轉識成智為果地歸趣，從境、行、果諸方面，顯揚大乘佛法的「殊勝」。

無著之弟世親（或譯天親）原宗小乘，以為

大乘「非佛說」，經其兄勸誡誘導，幡然悔悟，乃回小向大，造論贊揚大乘。世親著述繁富，有「千部論主」之美譽，其中包括攝大乘論釋。世親釋論亦有三譯：南朝陳真諦譯，十五卷（一本作十八卷）；隋達摩笈多等譯，十卷；唐玄奘譯，十卷。此外，印度無性亦作攝論釋，玄奘譯為十卷。

真諦譯出世親攝論釋後，又為之作義疏八卷，專弘攝論，其弟子均成為第一批攝論學者，至陳隋間蔚為攝論學派，史稱「攝論宗」。綿延

至唐初，遠播於海外，可見其影響之大。自唐玄奘、窺基立法相宗後，攝論又成為該宗的要典之一。復次，敦煌遺書中有中國僧人的攝論註疏殘卷多種，而近代亦有作講記、略述者。

茲有三門多寶講寺智敏大和尚，顯密兼通，定慧雙開，乃采用金陵刻經處版玄奘譯攝論釋為底本，依據祖師大德之論述，秉承格魯教派之正見，間採前賢近人之心得，為之作註，陞座說法，整理而成「攝大乘論世親釋集註」一書，由本社付梓出版。於是大乘法寶，流通世

間，僧俗讀者，得嘗法味。

上海古籍出版社

攝大乘論世親釋科判卷第一

總標綱要分第一

一世親序頌

A 皈敬序

一 禮讚三寶

a 禮讚佛寶

諸破所知障翳暗

盡其所有如所有

諸法真俗理影中

妄執競興於異見

斯由永離諸分別

無垢清淨智光明

獲得最勝三菩提

惑障并習斷常住

能無功用於十方

隨諸有情意所樂

開示殊勝極廣大

三種解脫等方便

由無分別有大悲

生死涅槃俱不住

由攝妙慧巧方便

究竟至極自他利

b 禮讚法寶

如是世尊等所覺

等所開示微妙法

若能於此善修行 必獲寂然甘露迹
誹謗決定沒無底 甚久無能大苦海

○ 禮讚僧寶

學無學僧居道果 普勝一切所餘僧
善逝無垢功德河 真實於中而沐浴
爲世無上良福田 雖復投於微少善
而便廣大如地空 慧者由斯得解脫
故我至誠身語思 頻修無倒歸命禮

二 傷嘆德減起失

軌範諸師今減少 真法正理多渾濁
皆由聰叡邪慢人 依自尋思失教證

三 讚無著師

我師於此非前後 逢事聖者大慈尊
依止無動出世間 放大法光三摩地
闡揚妙法流清譽 如日舒光徧十方
文光無垢最甚深 諸了義經所隨順

廣大句義皆微妙

悉以綺飾自莊嚴

能令聰敏者融心

無諂無憍生愛敬

極難通法慧無滯

不住利養稱譽中

於樂常無染著心

故名決定稱自德

諸賢聖者常親近

一切世間無不知

無著名稱普皆聞

功德顯然同所讚

B 發起序

無盡辯者等所雨

甘露文義微妙法

多從彼聞自力微

少受猶如乞雨鳥

從廣決擇集少分

以言略釋攝大乘

願此所作徧饒益

怖於極大文海者

|| 成立大乘是佛說

A 略標

阿毗達磨大乘經中，薄伽梵前，已能善入大乘菩薩，爲顯大乘體大故說。謂依大乘，諸佛世尊有十相殊勝殊勝語。一者所知依殊勝殊勝語。二者所知相殊勝殊勝語。三者入所知相殊勝殊勝語。

四者彼入因果殊勝殊勝語。五者彼因果修差別殊勝殊勝語。六者即於如是修差別中增上戒殊勝殊勝語。七者即於此中增上心殊勝殊勝語。八者即於此中增上慧殊勝殊勝語。九者彼果斷殊勝殊勝語。十者彼果智殊勝殊勝語。由此所說諸佛世尊契經諸句，顯於大乘真是佛語。

B顯大乘殊勝

復次。云何能顯。由此所說十處於聲聞乘曾不見說唯大乘中處處見說。謂阿賴耶識，說名所知依體。三種自性，一依他起自性。二徧計所執自性三圓成實自性，說名所知相體。唯識性，說名入所知相體。六波羅蜜多，說名彼入因果體。菩薩十地，說名彼因果修差別體。菩薩律儀，說名此中增上戒體。首楞伽摩虛空藏等諸三摩地，說名此中增上心體。無分別智，說名此中增上慧體。無住涅槃，說名彼果斷體。三種佛身，一自性身二受用身三變化身，說名彼果智體。由此所說十處顯於大乘異聲聞乘，又顯最勝，世尊但爲菩薩宣說。是故應知但依大乘，諸佛世尊有十相殊勝殊勝語。

C 顯大乘真是佛語

復次。云何由此十相殊勝殊勝如來語故顯於大乘真是佛語，遮聲聞乘是大乘性。由此十處於聲聞乘曾不見說唯大乘中處處見說。謂此十處是最能引大菩提性，是善成立，隨順無違，爲能證得一切智智。

D 重頌

此中二頌。

所知依及所知相

彼入因果彼修異

三學彼果斷及智

最上乘攝是殊勝

此說此餘見不見

由此最勝菩提因

故許大乘真佛語

由說十處故殊勝

III 攝大乘義究竟盡

復次。云何如是次第說此十處。謂諸菩薩於諸法因要先善已，方於緣起應得善巧。次後於緣所生諸法，應善其相，善能遠離增益損減二邊過故。次後如是善修菩薩，應正通達善所取相，令從諸障心得解脫。次後通達所知相已，先加行位六波羅蜜多，由證得

故，應更成滿增上意樂得清淨故。次後清淨意樂所攝六波羅蜜多，於十地中分分差別應勤修習，謂要經三無數大劫。次後於三菩薩所學應令圓滿。既圓滿已彼果涅槃及與無上正等菩提應現等證，故說十處如是次第。又此說中一切大乘皆得究竟。

所知依分第二

一 從聖教中安立阿賴耶識

A 釋名以證本識之有體

一 阿賴耶教

a 引經證

此中最初且說所知依，即阿賴耶識。世尊何處說阿賴耶識名阿賴耶識，謂薄伽梵於阿毗達磨大乘經伽陀中說。

無始時來界 一切法等依

由此有諸趣 及涅槃證得

即於此中復說頌曰。

由攝藏諸法 一切種子識

故名阿賴耶 勝者我開示

b 釋名義

如是且引阿笈摩證，復何緣故。此識說名阿賴耶識。一切有生雜染品法於此攝藏爲果性故，又即此識於彼攝藏爲因性故，是故說名阿賴耶識。或諸有情攝藏此識爲自我故，是故說名阿賴耶識。

二 阿陀那教

a 引經證

復次此識亦名阿陀那識。此中阿笈摩者，如解深密經說。

阿陀那識甚深細 一切種子如瀑流

我於凡愚不開演 恐彼分別執爲我

b 釋名義

何緣此識亦復說名阿陀那識。執受一切有色根故。一切自體取所依故。所以者何，有色諸根由此執受，無有失壞盡壽隨轉。又於相續正結生時，取彼生故執受自體。是故此識亦復說名阿陀那識。

三 心教